

皇朝經世文三編

一
函
十二冊



皇朝經世文三編

卷七十一 洋務三 外洋鄰交

各國形勢類考

孫嘉穀

海南香隱陳忠倚軒

西貢海口有九十九灣河道甚窄 新嘉坡市廛稠密仿西洋制度高敞壯麗 新嘉坡約二十萬人西洋人二千番人及印度人盈萬餘皆閩粵人 漾貢一曰冷言或作印昆本秘古國編人割隸於英現建鐵路由漾貢至別年十餘里再由別年溯伊拉瓦底江而上經阿瓦都城至蠻慕新街不過二千餘里則印度至雲南邊境水陸程不逾旬載之迂道南洋之事東者僅三之一而已 新嘉坡羣山環抱同年連綿或起或伏長八十里廣五十二里 檳榔嶼洋人名之碧蘭山明水秀迤南皆高山樹木叢雜北岸為威諾斯里其地袤長而狹沿海約九百餘里 蘇門答拉遠長二萬里起息力之南橫出檳榔嶼西千餘里中間小島不可數計大山綿亘如畫即所謂萬古魯山也 錫蘭島長千餘里大石森列潮激其上如雪花高數丈噴薄四散較浙江龕嶺兩山東溯之勢更覺澎湃 錫蘭縱七百里橫四百二十里 亞丁山亘數十里若口門然山形突兀怪石嶙峋數十里皆不毛日用各物皆自他處運來英吉利駐以兵屯儲煤水以供因乏 亞丁多山不生草木遍地紅黃迎面一片枯山並無碼頭鄙陋殊甚英人所居之處就山開路層層盤繞關千非鐵節石甚平潔 亞丁為孟買總督所轄居民阿剌伯八千印度六千餘人西洋各國百餘人粵民二千設兵二千其地與阿剌伯地勢相連瀛寰志略誤為一島瀕海一山皆石英人建炮臺於盡處東西各為一山橫出海面中廣千餘里可以泊舟英人據以為紅海口外一形勝地洋人環東山為居山後海水泛入成一小瀆亦建炮臺凡炮臺三座 亞丁童山濯濯高百餘丈東南兩面各立炮臺西北莽蕩平原乃阿剌伯國土山後有小道與阿剌伯似斷而實連如果蒂與枝之相綴計中國十八里統轄於孟買總督為小西洋往來衝要英人也踞於此其地古稱大山罕有雲氣兩三年始逢雨澤 孟加拉部大吉嶺幅員百餘里三面高山西界蘇門答臘北界皆孟雄東界布魯克巴為入藏孔道上首降附於英居民數百家英人修築碉堡駐洋兵數領事一員曰夕格里得拉其孟加拉師每夏秋移駐於此英人新造鐵路又令閩廣人居其地無非垂涎藏地通商耳 達格卡呢為西南洋第一大馬頭建於危枝黎河之右南北袤八邁東西廣四邁餘街衢交錯不可數計富商豪賈侈靡相尚歐洲各國之人悉萃於此華人千餘英國設大帥一員統轄五印度全權大臣便宜行事緬甸漾貢及南洋各島俱歸節制副帥一員駐獨吉嶺 紅海入口處僅闊一百二十里且多礁石船行之道隘甚小島曰碧嶺嶺實塞其衝英人立炮臺其上為扼吭計入紅海後兩岸峰巒時隱時見東岸為阿剌伯西岸為阿非利加入埃及境則童山高下蜿蜒水濱數百里不絕 蘇蘭士灣口地為亞細亞阿非利加兩洲一

線相連處廣約三百里介紅海地中海之間同治三年法人賴賽以機器開河通舟楫廣六丈深不逾三丈七年而成費至八萬萬各國商人驟金為之以地屬埃及獨與三分之一往來徵船稅分收其利同治十三年埃及以千二百萬金贖諸英人於是英人合官民所出公費約得全股之半兩岸皆紅土夕陽返照如胭脂畫圖 蘇爾士灣口地僅容一船中有湖素所未往船於此交互取道相避風來沙聚時須開濬中間江路愈窄兩岸沙山高十餘丈舟行距岸不過數丈又多作彎迴之勢 蘇爾士建河始咸豐六年法人里意勃斯創議開鑿商之埃及總督阿斯巴尼拉意見相同遂集股資每股五百法郎用大機器六七十具事奮掘者日常二三萬人至同治七年十月告成費十萬萬兩之鉅成河長二百八十七里寬一百九十二尺深二十六尺往來之船每客貨一墩取鈔十法郎船客每人亦十法郎光緒元年英太子東臨印度埃督欲結英以股分四百壽太子太子酬以金自是運河英得而預焉 埃及途中皆荒山曠野沙厚二尺餘暴風頻起 埃及途中房舍粗陋有小於舟者又有居沙土之中如穴居然 地中海境內有突尼斯為土耳其屬地勢突出海中一山橫列下有伏洲僅中路可通巨艦洋船過此亦稱險境自突尼斯以西地勢北出連山相屬或遠或近海中亦時見島嶼 地中海為亞細亞歐羅巴阿非利加三洲交界處自此盡地中海之境北界歐羅巴南界阿非利加而土耳其中東二土迤西北二千二里遠與亞西境相望此海析分三洲之地亦天地之一大區限矣地中海盡處為星子文生屬葡萄牙過此即大西洋此處山石嵯峨橫截海面水流激蕩浪益洶涌 意大利屬墨西拿至法蘭西馬塞里有火山數處舟行峽中兩面俱崇山峻嶺廣狹不一岡巒四合怪石嶙峋間有人家屋宇背山臨流其石島重疊如鳥獸人物形者不一而足有名熊下山者有名老人鶴立者又數峰高出羣山奇峭插天迨出峽漸近大西洋則波濤及天矣 意大利途中羣山錯列紫翠凝輝舟行峽中如迎如送有峭然挺拔者有壁立如削者有荷葉皺者有出水芙蓉者望之皆成畫本 意大利拿波利島為意陪都居人約四十萬國王有行宮時時駐焉是以宮室中車馬皆極華麗有大教堂大園囿數處沿海砲臺碑旣燈塔輝煌南有火山 意大利之奈波里城倚山臨海屋宇連延居人四十五萬沿海砲臺雄峙為意國第一大海口建城已二十餘年東南有火山二名非所弗秀土地氣候溫和西人頗稱勝地惟山多盜賊捕則送入深山不可獲 按意大利盜賊為天下之最查一千八百七十二年民死於盜者二千八百八十人受傷者一千五百四十人呈報劫掠受傷者三萬七千三百五十五案白晝搶劫者四千六百零五案被竊者五萬九千五百二十四案 意都西南萌背地方在威蘇威火山西南間一千七百九十一年前火山頂窟中噴出灰漿土石將其城邑掩埋附近居民遠避者數百年失其舊址嗣於二百七十八年前有欲引水建橋掘去古物逐漸掘見有城市之基始知為萌背舊邑至其處所存僅其下半猶可考當時建置之式城有閨閣居有庭院繪事多畫於壁巷口壁畫蟠蛇者勾欄之招也壁塚碎磚

刊復陽者為市廛之記也石磨上下疊而腰殺穿獄自上墜下窖窖在下環而通門公署柱石林立民居戶壁條分藏窖之室如深阱闊隘曲折尚有如墨之饒久福之屍也 法蘭西馬塞里海口居民五十萬街市繁盛樓宇皆六七層雕闌畫樞高列雲霄夜燃煤氣燈光如晝客寓樓七層梯形如旋螺登降勞苦則別有小屋可坐數人用機輪旋轉頃刻至頂樓屋有暗消息手一按之櫃房即知其屋喚人傳語亦然鋪陳華美 按泰西客寓各國皆然此為入大西洋之始故錄之後不復重叙 馬塞里至法都途中山岡長七十餘里沙地中多紅白石子大如盤輪車過山洞四有長四十餘里者長橋六七或石或鐵有長數里者過羅馬教王行宮外有城牆牆頭出廊下作密孔為水溝泉以防敵 法國馬塞有新老二海口老口狹小二十年新拓至北首為新口甚寬闊能泊船三千為地中海第一大埠老口舊有炮臺對峙自拓新後無所用今於口外數小島建礮臺深得形勢西南有山山頂聳立教堂 法蘭西里昂時居民六萬有肆繁盛倍於馬塞里法都人民百餘萬氣局闊大又倍於里昂時 法國里昂城居人四十萬有大河二一名瑣思一名羅納由東北分流至城下合而南至馬塞出地中海水陸通衢貿易甚大周築城垣列敵臺十七 法都街市火輪車道遙望如蛛網街道正中以小方石墁平專走車馬寬約四丈兩旁石砌高半尺寬二尺皆黑漆或白沙石磨平數武植一樹或桐或楊兩樹之中間一路燈兩三樹後置綠漆凳一條每數十武有自來水銅管展午間取水以潑街道每數十樹有小屋為行人便溺遠中無肩挑貿易間有賣新聞紙有携小匣為行人洗刷鞋上泥土者皆小兒也每半里一巡捕如遇車多難行彼即為之指撥先後御者不敢不從不平之事亦為之割斷曲直無人不服樓房十里共一簷皆十一層牆壁簾幔皆一色樓下鋪戶亦然舖主俱男子而店夥皆婦人 法國京城巴黎 英美等國凡人烟聚處多曰城其實無城也法國則國是有城皆在國之西北跨塞納河而城聚約三十里橫約四十里縹以石垣而無雄蟬為門四十城外擇形勝處環列砲臺十八城內區為二十邑設官分治總轄於府尹每門設官征貨稅塞納河由東南入城形若弓背流至西南而出深廣清澈可行輪舟居人約二百萬街衢寬大潔清兩旁多植樹木列肆若蜂房屋皆六七層每層戶洞設以鑲花鐵闌塗以金彩異常美觀英美皆不及無晝夜車馬不絕以英京並論之倫敦為天下財貨倉萃之區巴黎為泰西第一名勝之地四年前曾遭兵燹燬壞實甚今已宛然永平景象可見其富庶焉 法國立墉城距馬塞七百六十里居民約四十萬都察院駐馬有蘇安龍納江由東北來匯於城下經馬塞而入地中海此城為水陸通衢商賈輻輳為法國第二大城 英吉利北名罕人民三十五萬街市繁盛為英國第二埠頭中華及印度棉花皆集於此所織之布各路售賣 英吉利屬馬爾他島北界意大利之西治里島其南與黎波里城正相值地形如白中出一山四周環抱拱之長四十五里縱三十里橫出枝脚泊船灣曲四五砲臺十一所英國地中海第一重鎮也 英吉利屬馬爾他島街市整齊潔淨樓房高

之腹為歐洲往來要道建砲臺十一座設總督駐兵五千守之 英吉利屬奇巴答答有石山岬起高一千四百餘丈長七百丈有奇英人名之曰諾譯言大石也環山內一面建城居民萬九千人與西班牙之莢美阿非斯卑陰山相望咫尺中隔一洲海水則分別為一島瓜達爾河繞其右南與阿非利加之珉布斯散德并橫出海中對峙成海峽為地中海之門戶珉布斯散德譯言猴子頭也達望西艾獵山橫立如垣綿延數百里所見山勢之雄闊無及此者兵官非爾丁指山缺處曰國院有古營壘為如非達額路西班牙時與羅馬大將奔標力戰於此當西漢之初距今二千餘年矣 英吉利屬直市羅院使西記程作奇巴答答城內街道狹窄每街鑄鐵為柵守兵佩其鎗城內兵丁千人兵房亦寬敞 英吉利都夫爾海口至法蘭西噠力利海口六十里為兩國交界山根不斷正值狹處東急溜之海水波浪激湧 英屬騎士阿母環海口水靜波平澄明一碧與兩洋畫樓相掩映風景有若湖蕩 英都倫敦居民三百萬城廣四五十里人烟稠密樓宇整齊街道潔淨穀擊肩摩為泰西一大都會巡兵黑衣紅裙巡察無間 英都地狹人密城內無曠土故於地中造車道通於街巷口上車處由屋內拾級而下也 英都街道兩旁白石平整通男女往來中則沙土碎石築成車馬所經也道之廣者可七八車並馳狹者亦可四五車皆潔淨無垢穢民居官署規模不甚懸異結構類皆四層併入地計之則五各屋皆有八地一層為下房廚灶屯煤之所白石為牆柱為棧棚為閣環於門外其地內棚壁以花錦鋪地以氈毯嵌窗以玻璃數尺亦以鐵柵護之估肆則臨街大玻璃櫥貨物鑒澈於外惟銀行教堂客店信局電報局醫院制度獨閱觀其房舍華潔數百街如一式詢其房價動值數十萬金錢使者所居房舍三層月租英金一百十二磅 英都無城其翠若城闕者大車所經之橋梁也民車稠密不可以行火車爰以巨石為飛橋於房屋之巔架以鐵板墊以沙土當以不立城郭之故問英人據云百餘年前固有之自火砲盛行城不足衛閑闕以守傷人愈多故毀去而增固海口砲臺數可得力即不幸被敵闖進猶可出兵各路以驅逐之外洋之無城郭不獨英也 英都戴晤土江底火車路由平地而下凡石階八十七級以至巨之石為左右垣墻厚鐵板為上蓋以隔江水如城然火車馳其下以煤氣燈相照引英都倫敦在倫倫之東南密得爾錫克司府之南撒利府之北跨二府交界處距顛達士河口約一百六十里河水由西曲折經貫城內東出於海古有城垣其址在今城之正中舊蹟都而仍以中正為城內者乃沿舊之稱其實統謂之城無分內外也以今之屋宇叢聚處計之縱二十二里橫三十里連四周增建之屋舍而計之縱橫各七十里有奇居人約四百萬同治十二年計算房屋已多至五十二萬所以後每年增建尚約二三千所街道中秋而四隅廣計算得二萬一千七百八十里街燈共三十六萬餘盞每夜用煤氣一千三百萬磅碧碧路碧路為一正方尺冬季多雲室宇爐火煤烟

雲合而為一都作黃色雖新建屋不數月已黝然道路多砌小石車輪相擊聲若雷鳴屋為震動車中人並坐語不聞 英阿爾蘭島德布羅都會民房一萬五千四十所宮室之崇麗貿易之大街道之潔視倫敦略遜 英阿爾蘭之德稅格蘭地方多結草為廬短垣陋屋塵垢壘集惟山水特勝一望瀾漫無非綠障龍天綺霧撲地長溪激水竟日潺湲酒店花塢臨流掩映阿蘇兩島比比皆然不惟此處也 英吉利三島之外以利文浦為第一市鎮瓊樓綺壁交響雲端登高望之通烟氣之管直若

千萬箭攢集空中與夕陽間采有麥西河船隻首尾相接十八里絕無空際美利堅商賈多聚集也 按彼處房屋皆有氣管自數百至十數百以通煙氣染以紅色 英國苗爾細河左為雷弗普城右為甲爾沙地方左岸停泊之船約二十里街尾不斷往來西半球各國及愛爾蘭等埠居多東行者不過十之一二雷城橫橫各二十里在梭格府西南居人六十萬為英國第二繁盛之區 英吉利博通明格周三十餘里內外製造鋼鐵等器販運各國燒煤甚多天多陰雨 英阿爾蘭德布羅都會

男丁十一萬五千餘婦女十三萬 英倫民數二千二百七十一萬二千二百六十六名口女多於男約五十九萬蘇格蘭民數三百三十五萬十八名口女多於男約十五萬阿爾蘭民數五百四十一萬一千四百十六名口女多於男約十四萬其民數并各國旅店者計之 荷都街衛潔淨樓宇高者四五層頗修整河道甚多皆直而長樹林繁密居民質樸市中以兩犬駕

小車售物 荷蘭北都安特垣周三十里有河百餘道大小舟船處處皆通都橋七百六十座河之瀾廣舸艘迷津商賈輻輳為歐洲大都會 荷蘭河渠縱橫四時沃潤平原草肥便於牧養而柴門臨水屋後繫舟頗似淮陽風景 漢博爾歐洲民政小國客寓樓舍臨湖宏敞無比湖寬廣數百畝東西橋梁相望樓閣圍繞如環畫船數十往來其中有西湖風景 瑞典雲

居平地地方左右皆湖長一百七十里人民稀少路多石塊林木欹斜地源多故坑十里不見一人天時頻雨 瑞典都城周三十里居民十八萬街市房屋與英法同 俄羅斯阿剌即芬蘭國舊都地方居民一萬五千餘板屋相望樓舍不過兩層亨沁佛耳思即芬蘭都會其居民二萬五千樓屋稍多園亭亦佳 俄羅斯阿剌即芬蘭國舊都地方水少山多船行彎曲河口有大橋甚整齊

俄羅斯廣咸不爾克屋宇不多居民不過六千而山水幽深園林雅緻 俄羅斯克龍斯大礮臺三座鼎峙海中有海路龍蟠之勢開咸豐四年英法兵船至此不能進攻始回 俄都人烟輻輳街衢寬大周五十餘里居民五十三萬六千樓閣高峻宮殿輝煌足稱各國都城之冠 俄羅斯北京周五十五里居民五十三萬六千南北一街長二十餘里街心鋪石寬三丈以走

大車兩旁舖以厚木寬二丈以走小車又兩旁以細石砌路四道寬各一丈餘以通行人店舖高峻街巷繁盛俄都至布爾中過山洞二處一約十里一約二十里又過一鐵橋長二十丈高三丈闊十高丈許作花幃形中夾輪車闊外小道二以通人馬布布魯斯馬林博爾鐵橋長里計高四丈兩旁作花幃形實金錢一百五十萬 布魯斯都城周三十六里居民二十餘萬

布魯斯都城周三十六里居民二十餘萬

布魯斯都城周三十六里居民二十餘萬

布魯斯都城周三十六里居民二十餘萬

布魯斯都城周三十六里居民二十餘萬

街市整齊樓宇高峻 德意志伯靈都城在士普里溪上通愛爾泊河以達波羅的海居民一百萬附郭二十五萬為歐洲第一四城池高於海面九十八尺舊城在士普里河右即今王宮連東一隅道光十年後貿易興盛最為要地城皆沙磧全賴引水供栽種汲飲又無山石造屋以磚陶瑱頗勝城中街道縱七橫十餘橫街之溫德爾得令登街宏麗喧闐甲於全城是街東抵大玉宮以旭落士橋道之橋列古仙石像入西抵白命丁哀之得勝門房屋整齊希獵羅馬各式俱備綠陰夾道中為御道旁馬道又旁為馬車道又旁為步行道市肆羅列士女如雲新舊玉宮及儲君宮博物院軍器院拜大學書樓畫院戲園蠟像館或在馬得勝門砌石為門五道建於乾隆五十四年計費金錢七萬五千上有神女御四馬鐵車其南半里有來伯吸士街唐屋市肆稍遜於溫德爾得令登其街縱則以福爾得利街為最長貫城中一十一百四十丈有鐵道馬車房屋較遜其東平行數街如沙路屯馬路分則較短惟其西之維耳今街自得勝門內新南斜東工整宏敞為縱街之最親王府及大衙署咸在尋出得勝門遙西為氏爾噶之園 德意志阿坎地方古城本羅馬人所建後削商蠻王居之西曆八百十四年王殂為自主之城其禮拜堂乃羅馬規制為德國營造所宗式城北有高山其脉迤西繞至城內地流源泉鐵道自北繞出東南車場在其城南居民七萬五千燈火萬家居然都會也 德意志谷郎地方沿來周河西岸為德國第六通商大城西應五十年行比阿氏所築後為下日耳曼都城一千二百十二年為自主之城一千七百九十四年地屬於法及拿破倫敗地屬布國居民十三萬河東為德次城有民萬餘鐵道自西北隔渡河而過大鐵橋長四百十二道當上層過汽車下層過馬車兩旁可步行俱虎瞰鐵橋隔之兩端各有國王銅像為維令一維令四 德意志漢奴之地方本為日耳曼大邦之都因一千八百六十六年布親奧布人既勝遂收其都其地為一省舊城跨來納河開拓東北峻宇通衢整齊雉厚有一千七百五十年之古王宮今為布王華宮大戲園博物院禮拜堂無不壯觀升臨頓鄉計之有民九萬鐵道通城東北屯場寬廣 德意志東北境小美阿里省城距柏靈七十六英里實屬瑞典一千七百二十年屬布為通商要邑以礮臺為城在奧德阿江左岸江口為水師泊船之所 比利時都城街市整齊周三十餘里戶口三十二萬有奇 比利時地沃田多南高北低山岡道途平坦 西班牙蓋澄非尼士特海中波濤洶湧蓋西班牙向北盡處地勢深入匯成一大瀉與法蘭西壤地相接至羅亞爾江口又表伸而出中廣十餘里海水奔騰而下駛入海中回薄奔激乃始折出而趨故此海狀千餘里稍一見風則洶濤激浪相助飛騰尤以蓋澄非尼斯特為最險蓋澄譯言夫處非尼士盡處也特者地也西班牙屬帕那馬之地亦南北美里駕之間北自落機大山迤里之帕那馬萬餘里又自此而接連而南為安底斯大山至於南洋盡處又將萬里是一脉大山綿延南北縱二萬里而北境橫九千餘里南境橫亦六千餘里而中間折腰處僅百數十里然地土雖狹實居東西兩大洋南北兩大山之要其間山勢高下參差當亦

道不及一度 美國富庶之區皆萃於此東北各省中又以紐約費里費波士登三城最費城連泰密爾河西岸計地四百二十六正方里屬夕爾費呢阿省外通海港商船可直達城下街道縱橫其直如矢寬自六七丈至十丈中一街名伯羅思譯即寬街南北長三十餘里適中處新建梅爾署梅爾若中國知府蘭鉅華云費一百五十萬金各街中砌鵝卵石並仿輪車鐵路法平鋪鐵條專行馬車左右稍低夾雜樹木行人皆由兩旁軌路往來屋宇或砌紅磚或砌灰石自二三層至五六層橋梁多以精緻為之有長至百餘丈寬至七八丈者輪車鐵路約十餘條或穿城而過電線木桿舉目皆是有一木懸鐵五六十條者地皆沙土無濕氣民房十五萬一千餘工廠店鋪城內居多杜司里汪納二街貿易尤盛自來水火皆由地底機管曲折高下而至通長計之約二十餘里 美國紐約省在笑之東北隅南界噴夕爾費呢阿紐約兩省北界英屬堪納答部東界甘那的格馬沙色士爾窪滿得三省西臨大湖東南一隅大西洋在三十九省中最稱繁富會城名紐約在省之東南隅臨哈遜河縱四十里橫十三里地候甚寒居人百萬屋由三層至七八層壯麗無比車馬填塞徹夜不絕河內帆船林立一望無際電線如脉絡輪車須由城內經過者則空際建長橋或於街底穴道以行街道之制同費城最大者一為第五街鋪富所萃一為百羅街多著名鋪戶貿易之大美士為第一統地球言之與英京法京鼎足而三而屋宇整齊美法尚弗逮蓋此城居要道而由志克奇城直達三藩謝司戈城過太平洋通日本中華東出哈遜河入太平洋以通歐洲水陸商賈無不萃焉河中地名海而給多暗礁水流甚急商賈不能由此直達城下須繞出南首而進 美國之東有地名柯倫比爾者笑之京畿也在馬利蓋之東南勿賽尼阿之東北居二省交匯處最得形勢計地二千三百二十正方里京城名華盛頓建於適次碧海灣西之尾東臨抱特密河縱橫各十里距費城四百五十里屋宇整潔風景幽清天氣暑似江蘇道路寬展多用油拌土而築平坦堅韌車馬不甚多行人和藹謙遜迥與費城異官署民居而外園林樹木若店鋪尋常日用之品皆由費城兩城運來無工廠行棧雖有河通輪船而大商巨賈罕至其處唯電線則合宇宙各都會開弗通輪船則各省交貫連西北別一城曰查特湯對河連南又一城曰阿克力三答蓋幾輔二邑也 美國哈佛城在美士東土為甘那的格省城會城縱橫各十里東臨甘那的格河氣候與中國塞外彷彿地土極佳人少病疾街道潔淨貿易不大書館甚多製造廠亦夥風俗純正無巨富亦無極貧 美國富庶之區皆在東士密司失畢河連西直至三藩城約七千里從前皆白人西人稱上善為紅人阿非利加人為黑人已為白人罕至其地皆土番所居赤土黃沙牛鹿逐隊自創車路後始有白人往居漸成村落如三藩城焉教阿馬哈等處三十年前皆荒地也 美國都城居民約十一萬人費里地費里城八十一萬七千有奇

六大州說

古無六大州目而有九州目錄西書者以洲為州而說文有州無洲說文水中可居曰州周繞其旁以重川昔堯遭洪水民居

水中高土故曰九州一曰州疇也各疇其土而生之經籍州諱不一或訓殊或訓浮注釋或訓聚國語此無專指或訓二百里

注釋或訓司馬或訓里十管子或訓五黨或訓二十五百家注釋或訓大司徒又州或訓黨鄉之屬漢書此非大州或訓九州

漢充青徐揚荆豫梁雍注釋或訓十有年或訓幽并無徐梁司馬注或訓四十三萬二千家儲或訓國語此非統中外言也

然則有無謂天下九州乎曰有河圖括地象柳注釋或訓三地有九州史記孟子傳驕行以為儒者所謂中國者於天下乃八十一分

居其一分耳中國名曰赤縣神州赤縣神州內自有九州禹之序九州是也不得為州數中國外亦赤縣神州者九乃所謂九

州也於是更有比海環之人民禽獸莫能相通如一區中者乃謂一州如此者九乃有大瀛洲環其外天地之際焉桓寬鹽鐵論

亦本厥說注釋或訓論中國者天下八十分之一名曰赤縣神州而一為九州谷臣淮南子行有九州又云北方州之圖天後漢張

衡傳注地有九州又有不顯言九州而實可參證者列子湯問曰四海之宴有華曰猶齊州也知四海四荒四極之不異鷄冠

乎天有九鴻異今說矣而今說大州縣二而四而五而六亦異二大州孰謂亞細亞歐羅巴亞非利加連澳大利亞連為東一

州亦謂之東半球而亞非利加與亞細之不聯以紅海二限為界注釋或訓二州今通矣而亞非利加與歐羅巴之不聯以日斯巴

尼亞南之曰百拉達海峽及西之西利島西南之極峽海面為界謂南北二阿美利加注釋或訓也肥拉馬亦天之無以為西一州亦謂之

西半球四大州孰謂一亞細亞也中國在其中一歐羅巴也在中國西北一亞非利加也在中國西南一阿美利加也在中國

東注釋或訓一五大州孰謂或分南洋群島謂之阿塞亞注釋或訓也尼藏震志略聞之矣今於四大州中分阿美利加為南北美利加合

眾國墨西哥國屬北餘屬南六大州孰謂謂澳大利亞自為一州也陸居全地四之一而水居其三中國居陸五十之二是居

水陸二百之二也陸少水多與水中可居之誼符然則作洲謠乎曰州洲古通用字詩在河之洲說文作州注釋或訓也水居二之是居

而爾雅釋水書齊典傳左文十年哀二十二年釋注國語方言詩鼓鐘疏漢賈捐之傳然則洲亦未為非而州稍勝

注後漢馮衍傳注淮南地形注文選注釋名一切輕音義十七引爾雅孫注皆作洲

歐洲各國開闢非洲故

按三百年前歐洲船隻初不甚大故出海外地者亦不甚遠然講與地家常言地是一珠若向西行將來必東至印度於是常

思至印度限於路遠殊覺悵惘嗣又得一捷徑欲至印度方位乃直向西行久之忽至一地方以為印度也乃不意竟為亞美利加洲較歐洲地大五倍土膏而腴地廣而人亦無多歐洲人乃漸有遷於是者後為各國開闢幾盡而在洲之野人亦漸皆向化二百年前歐洲人總欲探盡地球乃又至一地名奧大利亞洲較歐洲地有三分之二其地亦有野人而不甚多歐洲人又有遷於此者據地開墾後歐洲以此為發達罪人之地其地出金礦開此礦時歐洲人來此作工者亦不少其地盡為英人

李提摩太

所有外又有亞非利加一洲數千年前雖為歐人所共知然因其地近赤道瘴癘甚虐非壯實之人不敢往是以未能深入此地較歐洲有三四倍之大人數大約有歐洲三分之二近數十年始深入盡探其地中多黑人向未受化以殺人放火擄人為奴為業良善者常受其虐殘暴不可言狀百年前有荷蘭及英人命將出師先往亞非利加南隅闢地漸成小國野人亦漸知教化近十餘年來比國憫非洲內地之受暴虐擄掠也乃於非洲中地闢而立國名曰孔戈設塾以化導之又近七年內有英法德葡意西諸國幾將非洲膏腴闊之殆盡所餘者多半沙漠火山不生草木之地耳然諸國各據地於此苟無和約以為限制亦亂階也今按英法以前據地為限至今有更改之處乃各派官員前往勘界又立一約凡教師至此宣化彼此不相禁止而且宜保護焉英德又立和約兩國所據之界東西南北勘定甚細中有一河道係兩國公用前此國立孔戈國時有不納稅之地若干今英德所定和約仍照此章定為制凡兩國單口商人以前在此為商者照常為商毋得禁止又傳教人在其地傳教亦不可妄殺又有一地本回王所轄後其地多半歸德少半歸英至是回王獻地於德德則佔其地而償以銀兩英者仍歸英緣早年英有一海島名海利戈蘭近德之口岸德人欲之而未能至是德以非洲之回地屬英者業償回人以銀而仍送還英人遂以此島贈之他國立和約亦仿此由是亞非利加一洲盡為諸國所據其地所產之粗貨如牛羊毛之類盡發歐洲製成精細之物又發回非洲售與其人所謂兩有益者非與又其人向受殘虐殘暴之酷自諸國據地宣教漸化其兇悍之氣由是人沾教澤無復有殘害之風是諸國之大有益於非洲也今將各國所據之地數人數列於左按英所轄非洲之地大小十九處共二百四十四萬餘英方里每英方里合華里十方里人數大約有三十九兆之譜每兆即一百萬法人所轄大小九處共二百七十八萬英方里人數大約廿二兆之譜德人所轄大小四處共一百萬英方里人數大約五兆五千萬牙所轄大小六處共九十萬英方里人數約有五兆餘西班牙所轄大小四處共二十四萬餘英方里人數約有四十四萬之譜共計非洲地為諸國所闢即此數十年內已有十之七八矣然以上地數人數但即西國冊籍所載不過言其大概各遠官勘定界限實數方為的確至去年各國立約不許越境相侵各守各境相安而已由是觀之伊古以來闢地如此之多而且速實屬得未曾有苟非非洲內地之人惡習粗悍無大知識何至如此一大洲盡為他人所闢哉雖然其地之穡悍兇暴向未沾化自諸國據地以後設塾宣教使之漸知禮義又復教之製造使之共有衣食之益將來能養十人者皆可以養百人而無難焉是諸國教民養民之新法不但有益於己而且有益於非洲者亦非淺鮮矣

非洲不能養民致失廣地說

人而昌失國之君以不得人而亡史冊昭然班班可攷況強鄰漸逼害已滋深利源不開地將安保有有心人細懷時勢自有所觸耳有所聞誠有萬難安於默者請即非洲失地之事約畧言之致亞非利加洲為地球五大洲之一共有一千一百九十九萬英方里方諸中國十八省大可六倍而埃及與洲北岸數處之外皆黑人所居天下五大洲惟此一洲政教未聞人皆蠻蠢統計全洲人數實難確切查攷約計有一百八十八兆之多其人暴戾恣睢率皆不遵教化以開殺爭奪為能事又有土耳其亞那北等國時買其黑人為奴當虜掠之際屠戮生靈焚燒廬舍極為可憐可憫惟以僻在遐陬前數十年道路不通聲教未達尚無人知嗣有歐洲人游歷至彼始悉底蘊回報各國君若臣各怒焉傷之會議各國申明約章禁止擄掠黑人為奴詎意屢禁不遵因於十四年前復設新章分兵駐守非洲各口岸嚴加查察從此葡萄牙西班牙法德意英等國皆相約不准帶人出境而擄掠之風始絕雖然堵於外終未堵於內其內地各酋長仍彼此爭奪掠奪無餒人理歐洲各國亟欲拯民於水火之中不得不率兵至境為救人救溺之計所有十四年內歐洲各國新得非洲地土雖未能得聞其詳然考究之餘亦可略見大概統計法國得地二百餘萬英方里英國得地一百六十二萬英方里德國得地一百餘萬英方里意大利國得地三十六萬英方里西班牙得地二十餘萬英方里葡萄牙得地十六萬英方里共合六百餘萬英方里較之中國十八省之地約多三倍此乃歐洲各國十四年內所得非洲地土數目也但非洲前已有地為他人所管現除他人所管之地非洲本管地土僅存二百五十萬英方里以上各節皆英國太晤士報所錄噫由大而小由強而弱皆由非洲人之不知利害自促覆滅而已故俄國前以鐵路侵地僕嘗因其能以鐵路養民故推廣得地曾著為說論以當道人之未鮮俾舉世聞聲警覺願或者曰泰西各大國互相嫉忌彼時俄國得人之地何以不慮他國躡其後耶而他國亦何以甘心相讓耶抑知俄國得亞洲之地與各國得非洲之地皆彼此讓明各行各事耳或又曰亞非各國之地何以不能自守為人所得是無他蓋固不善養民之故耳觀於水旱之災民以餓死擄掠之患民以殺死而泰西則能盡除其害兼有養民保民之功是雖欲不令各國之民心悅誠服勢必有所不能雖聞以天主耶穌神道設教然開闢不得不然所以泰西大國得地之事關係匪淺即此十四年中已可概見故不得不縷述其故俾今之官商士庶留心時事不致身於睡夢之中庶幾中國及早講求新學收保國養民之益籌強兵足食之謀勿徂舊章勿拘古制變通盡利成效自微夫如是則自強有基即兵言亦可少紓矣余瞻懷大局目擊時艱既有一得之愚敢畏再三之責用竭獻曝微忱所願身膺重寄者不以鄙野而忽之是則蒙之厚幸也夫

日本疆域攷

日本在中國東南去臺灣二千里據曰太島及諸小島以為國地勢自西而東首南島次中島西島又次北島當緯線赤道北

三十度至三十五六度之間經線 京師偏東十一度至二十七度北接俄國之細比利亞東南枕太平洋西與朝鮮滿洲
隔海相望錦豆三千餘里寬僅百里或三百里統計面積得二萬二千九百二十方里其形如巨鯨橫首橫臥海中掉尾而
曝腮所分八道山陰山陽其首也南海為其領附近之隱岐則出則鬣也周防海口介乎其間猶若口然而紀伊淡路附在中
南兩島之旁恰似魚之曝腮截內東海北陸三道乃其身也熊登佐渡倭出脊間又鼓翅相似他若安房側時伊豆橫伸是非
足而何全國舊分一畿七道明治之初據滅蝦夷乃更為八其間最大者曰中島一畿五道在馬居中者為畿內畿內西北臨
北海者為山陰與山陽相表裏而依內海者為山陽又北海上當畿內北者為東山為北陸其與畿內並而濱東海者即為東
海是六道者相為聯屬無間隔者也南島之地突出海中舊名四國今曰南海其地在畿內之西南西畧地並申畧古號九州
現為西海西海之北是名北海為蝦夷故地即北畧也此外小島若小笠原隱岐對馬千島四者尚有郡縣其餘諸若星小
於拳石無關輕重可弗載紀焉傳言倭在東海其國百餘乃閱彼史王居之外畿內一道僅分五國南海道分六國北陸道分
七國山陰山陽兩道皆分八國西海道分九國北海分十一國東山道分十三國東海最多亦祇十五國蓋以壹岐山滿二島
國小笠原樺太琉球三附國總計蓋八十七國云若夫府縣郡之制則府以王居巖邑通都大城而立縣因政事便城如割郡
以地理田畝利便而大小分統轄無定在也如東京府轄武藏五國而三國屬於鄰縣大坂府轄攝津七國京都府轄山城八
國而丹波三國乃跨兩道縣之分雖多一國為一縣然亦有一國分二縣數縣者一縣合二三國者郡之境視縣為人每國必
有十數若二三郡者不多見也郡之屬有所為村者每郡數亦不等以境地甚小隨意區劃無容心焉故三府六十二六百三
十一郡之下至有村七萬一千二百一十六之多也 注按日本經緯而度雖如上所云然洲外諸島有遠出其限者如小笠
原之北已逾緯線二十六度其東經線亦過三度至粹太千島則更在緯線北五十四度經線東十一度之外矣近夷琉球強
入版圖其地在緯線北二十四度經線西一十七度羣嶺懸殊萬難折中蓋日本之為國實大小島嶼之攸賴其間或遠或近
或有可憑恃或無足重輕不一其地記者祇就其大者要者測之餘可無煩表誌故其度數之不勻有如此云

大洋海大西洋洋海印度海北冰海南水海攷

楊毓輝

天下五大洲陸居四分之一水居四分之三五大洋又海水之至濶者也按大洋海在亞細亞南北亞美利加之間寬廣為各
海冠大西洋洋環繞三洲東盡歐羅巴阿非利加西盡南北亞美利加印度海南望南水海北盡亞細亞之南西至亞非利加
東抵澳大利亞北冰海橫亘三大洲之北即歐洲亞洲及亞美利加洲南水海在南極下其北有數島此其大畧也請攷其詳
攷其廣狹則大洋海為最廣計南北二萬二千里東西三萬里絕長橫短總計四億二十萬方里蓋幾繞地球之半矣其大則

南水海總計四周共得二億五千萬方里再次則大西洋海東西狹處五千里闊處一萬六千里南北二萬五千里總計二億二千萬方里再次則印度海東西一萬三千里南北略同總計一億五千萬方里最小為北冰海面積甚少不過二萬五千里而已攷其淺深則同一海也而此處與彼處迥異今時與昔時或殊蓋海底有高低有增有減故其淺深靡定也淺算淺於大西洋北境僅英度二千餘尺其在烏否頓蘭之南則計英度二萬三千四百八十尺最深為南大西洋如梯厘士丹亞子夏島與厘混布拉打海口皆深英度四萬零二百三十六尺大洋海於日本舊金山一帶深英度一萬尺有奇於檀香山智利一帶深英度一萬二千五百尺於新金山紐斯蘭一帶深英度七千五百尺若印度海及南北冰海自二千尺至萬餘尺不等是其淺深至不一也攷其氣候大洋海正居熱帶風靜波平怒濤罕見故西人稱為太平洋而又多恒風恒風者由寒帶吹向熱帶方向恒偏於西航海遇之異常利便所謂貿易風者是也大西洋海自赤道流至歐西水氣恒熱故緯度雖與東同而氣候之熱則過之印度海東北則多颶風其風旋轉圍徑大至數百里能吸起水氣成空管之形用砲轟之則散北冰海去赤道已遠陰凝凝結春夏亦寒未秋而冰已結至冬則星不隱日月不耀人畜蟄伏海冰悉若邱陵南冰海亦然其冰常不消化時或裂斷倒墮海中浮出水面約數十尺寒冷可知矣攷其源流大西洋海居四海之中北越冰島及代裴斯水峽與北冰海會南與南冰海會東越好望角與印度海會西越巴他峨拿與大洋海會是五大洋之源實舍也且其分流甚多如黃海東海揚子江珊瑚海新西蘭海俄何特斯充海今白海斐次洛異河卑良朵河弗鄰打士河切勒斯峽卡噴塔利灣不力斯充灣皆由大洋海貫注地中海黑海黃海喀立安海養因河盧爾河加倫河卑羅河瓜達幾微河德克河尼日河賽勒河賽內河加岡比河荷蘭日河他尼河河拉不拉河亞馬孫河勃勒諾河多干定河聖螺楞斯河瓜底亞那河哈得孫枝洛必沙伐維斯開亞灣墨西哥灣拖度斯灣聖馬提亞斯灣聖若爾日灣皆由大西洋海貫注其通印度海者則有阿勒富海紅海板大海弗羅力斯海爪哇海瀾滄江廣南海灣馬大拉隆灣孟加拉灣德拉哥灣比發拉灣三比西河魯非日河莫三鼻克峽麻刺甲海峽巽他峽其近北冰海者則有荷比灣和拉灣勒那河加拉河日尼塞河北酌拉河若南冰海則一片汪洋惟連各大海而已攷其島嶼不可勝計就其大者言之則大洋海四周如東洋羣島喀刺中斯克島白令島銅島暹吐島饒尼島恩稱古丹島十島擇捉島國後島小笠原島里克德俄羅斯羣島雅維島至留諸島馬中島塔刺威諸島厄利斯諸島斐濟諸島呢腓底諸島撒羅蒙諸島鏡巴拉島暹得密提拉諸島比利刺島斐利刺那斯羣島阿盧諸島板大諸島摩鹿加羣島蘇拉諸島蘇祿島呂宋島盧依昔亞得諸島俄耳白尼島新希不力允斯諸島新喀里多呢亞島那得充島厚島南島北島悉特喀島晚都斯威爾士島苦引叙洛特諸島萬庫吐島可抵亞克島舒馬中島烏尼林克島烏那刺施喀島烏母那克島亞律森羣島慶特喀島白路克

島克拉克諸島力昔安斯版島加得拿島卡島瓦呼島何諾魯路島散得維爾諸島哈依依島斯密貼島龍伯島倍嘉島吧
著拉島翻字島兒加新特林斯島窩耳嘉島查雅斯島馬耳敦島邊那諸島科克諸島會島他希提島曼歷克斯諸島由尼恩
諸島薩摩阿諸島薩摩亞依島吧果吧島友島馬爾啟士諸島奴喀希法島低島董噶塔佈島馬致禮島德克諸島察化
穆諸島受奎亞亞島吐布愛島俄吧羅島感別島辟特奴島云西島東島撒利斯依各獸貼島克立帕頓島勒維雅希赫多諸島
眉洛斯島不達盧珀島噶利巴各斯諸島洛泊斯諸島起察諸島聖隆白羅士諸島呼安匪雅特貼諸島雲洛挨島拿令頓島
漢諾及島德索來申島何斯特島大都水土和平大西洋海四周則有匪爾雅多坡島他都普晚島聖托默島安諾明島西白
力兒士諸島冰洲島發條島古特蘭諸島英倫三島河克尼諸島瓦梭沙島馬克辣島喀那力亞斯諸島特尼力夫島鐵島特
爾蘇拉島扶洛勒斯島阿索勒斯諸島新著大島安暢格斯特島以得瓦島聖辟挨爾島及於比里教島百慕大諸島巴哈馬
諸島西印度羣島聖托林斯島喀立伯士諸島坡拖里可島特立克達島桑維森特島皮林威德島格爾不羅島聖德羅島匪
爾雅多諾倫牙島阿森哥島聖厄勒那島特立克達島特力斯担答坤雅島各夫島其南與南冰海相近處更有南若爾治亞
島奧羅拉諸島什克蘭諸島散得維爾諸島南奧克尼諸島布委諸島印度海中島嶼亦為不少如錫蘭島蘇門答臘島馬來
可特拉拉島蘇客代父羣島麻代父羣島各斯羣島費古耳諸島馬黑島亞密蘭諸島可麼洛諸島聖馬利島噶勒島阿友
特洛斯島毛里刺斯島不爾奔島洛得黎格島由尼恩匪耳森島晚鄰斯以得瓦諸島克洛角諸島法給即島抹兒多拿得諸
島聖保羅島新喀斯特脫島呢可羅羣島安答拉羣島可司斯諸島克力斯抹特斯島與他島友克尼爾羣島俄爾必恩島皆
附近海他如愛翁島熊島力亞可夫島新悉比利諸島發的伊夫斯可乙島別耳可夫島蘭特耳諾乙島聖安得留諸島厄日
島和晚島銀耳斯島喀理諸島可堡島維克托利羣島友瑞斯特島墨耳微爾島拍特力克太子島力又得島新蘇拉島皆近
於北海冰者也拔里你島怙母晚島雙力晚蘭島南舌特蘭羣島斯可厄諸島皆近於南冰海者也可見五大洋之島嶼甚繁
也改其物產大洋海水族如魴鯉鼈蠶不可枚數又多珊瑚有無數小蟲能積成珊瑚島或正圓或橢圓其形不一甚為奇異
大西洋海最多鯉魚並有生電膳魚及海犬近英倫島一帶則多青魚來時成隊又鯊魚可取肝作油以療虛弱等症與地中
海相連處有撒爾丁魚長二三寸歐人捕之每盒裝十二尾運售各國另一種魚長丈許重八九百斤其大如此印度海中除
魚類外並多蚌蛤近錫蘭島一帶其蛤悉有珠印人設官總其事每年獲珠值銀六七十萬其利可謂蕃矣北冰海鯨魚最繁
海大海承次之土人捕魚為食海狗皮為衣魚油為燭英法等國有鯨船百餘艘在彼捕鯨得魚骨及油變價甚巨鯨大者能
覆舟拔捕鯨甚險南冰海除鯨魚外並多木勺鱈蛤等物種類甚多捕之者亦絡繹不絕也且夫大洋海大西洋海印度海

北冰海國盡人所知也獨至南冰海淺見者猶或疑之謂南方主緯不當有此冰海不知寒暖以赤道為主由赤道而北四十三度四分爲黑道去日道漸遠故北冰海之象成由赤道而南四十三度四分爲黑道去日道亦遠故南冰海之象著試以火鏡取太陽之火午時則速而易申後則緩而難以此推之可見當赤道則熱近兩極則寒夫何疑冰海之不宜有於南哉

外洋疆域危言

英屬加拿大在北美洲殆居其半與日本隔一衣帶水耳海上四千三百四十三海里東西四千英里鐵路一萬六千餘里英然其人民極衆雖在城府不過一二萬之間商務殷盛人文最盛之都會亦不出於十萬也然此等都會互相隔阂自晚古巴至尼克約千五百英里其中惟有一都會曰卡利伯兒克人約二萬四望皆曠野莽蕪連天其氣候亦南北不同如麥尼得巴當嚴冬之際寒暑表零度之下六十度當盛夏則或至百十四度思大利我州在加拿大之中人文最盛商務最盛其地與美國相接故住居其地半爲美國人民互相貿易蓋加拿大之與美國貿易情形當於此地知其大要也英國疆域之廣誠宜古莫與京矣英屬加拿大記

卷七十二 洋務四 外洋鄰交

察看英法兩國交涉事宜疏

薛福成

奏爲微臣分駐英法數月察看交涉事宜謹陳梗概恭摺仰祈 聖鑒事竊臣在法國英國比國呈遞 國書已將各國互親和好之意陸續據實 奏報在案惟聞我國羅馬都城一交夏令瘴氣甚重該國王及其外部大臣等皆避暑在外必俟八九月後回都辦事臣夙以暫假馳赴羅馬稍以其暇詳閱提督案卷聯絡議院官紳謹將見聞所及爲 聖主陳之竊維數十年來西洋諸國惟英法與我中國素多齟齬一二強邦迭起乘之事實愈棘從前英使加威妥瑪巴夏禮等法使如巴德諾脫等尤窺知中國情事狃於積習動輒要挾句結他國協以謀我與之以利而不知感商之以情而不即應繩之以約而不盡還其所由來非一日矣臣嘗觀光緒三四年間舊贖前使臣郭嵩燾初到之時枝節不少口舌紛繁有明係中國自主之權而妄思侵蝕者有明係彼國訂行之欺而不即照辦者蓋彼之商人惟利是視不顧大體而公使領事向恃中國無駐洋使臣與彼外都糾紛往往逞其一面之辭要求迫脅惟所欲爲今則事勢既異於前咸巴諸使或退或死殺謀斯嚴積案消清臣嘗與英法官紳往來酬酢察其言論多有聯絡中國之意不復如昔日之壹意輕藐推原其故厥有數端一則越南一役法人欲索賠償竟不可得至今法人議論咸怨喪禮之開費恨其得不償失各國始知中國之不受恫喝也一則十餘年中冠蓋聯翩出駐各國漸能諳其風俗審其利弊情意既決邦交益固也一則中國於海防海軍諸要政逐漸整頓風聲所播收效無形且近年

出洋學生試於書院常列高等彼亦知華人之才力不後西人也凡此數端皆係 聖明措注因時及內外大臣盡力經營之效臣恐以為乘此振興之際遇有交涉事件可以相機度勢默轉潛移稍裨大局大抵外交之道與內治息息相通如商稅受損則財用不足矣教民橫恣則吏治不飭矣海外之華民保護不及則 國勢不張矣內地之土貨行銷不遠則民生不厚矣此在任使事者設法維持隨宜籌措雖舊約駁難更改而情勢或可變通臣擬於茲數者審度情形俟有機會大則 奏請諭旨遵辦小則函咨總理衙門裁酌總期捷聲息而通關隔收權利而銷外侮仰副 朝廷委任之意抑臣又聞外洋各國使臣互相駐紮皆以得見君主為榮君主亦必接見以示優異 皇上親政以來各使臣以未覲 天顏疑有薄待之意不無私議屢見英法新聞紙中將來恐不免合力固請似亦當籌所以應之也所有察看交涉事宜合恭摺密陳伏乞 皇上聖鑒訓示謹 奏

德奧義合縱俄法連橫論

許克勤

嘗謂歐西諸國大小相維迭為雄長一春秋列國之勢也而適年以來德奧義合縱俄法連橫則又將有大戰國之機何則德本普魯士日耳曼兩國也普東日西境壤相接處歐洲之中至同治間始合為一曰德義志光緒紀元德大破法由是其名大著奧地利在德之南初亦為富強之大國自為法撒所合攻到削其地所以普雖亦敗奧而奧終向德焉義大利又處奧國之南都於羅馬即漢所謂大秦也自明以來法屢取其地故今之奧義非法敵也法蘭西居德之西其俗尚豪俠好勇而喜鬪而又深憾德之俘其兵入其國罰其銀而虜其君也無一日不思整軍經武以消雪其前恥法之仇德也愈深德之脩法也亦愈嚴普德大將毛奇之言曰歐洲各國今皆整軍容蒐軍實法國更添精蓄銳深防有慶戰之意斯言也可見德之脩法者嚴也夫德以脩法之不得不嚴而為未雨綢繆之計以與奧義為合縱是勢所必至固然其無足怪乃俄又與法為連橫者何哉曰法非俄不足以拒德俄非法亦不得以遂其欲俄之為國跨乎歐亞表長二萬餘里土地之廣環地球無其匹法有見於此以為有俄之援而奧義不足齒也由是割德俄助之而德無不可制即不欲制德而德東忌於俄終不敢連兵西向而以一天相如也所謂法非俄不足以拒德者此也且俄與德有姻婭之親為甥舅之國法若發難於德俄宜從而援之而俄不之顧者與法聯盟俄亦有三利俄嘗攻土耳其矣英法掠之卒不能滅法既助俄則英亦不能掠土是俄得以蠶食於歐也其利一俄嘗欲窺同印度以奪英人之利法既連俄必不助英則可以得志於印度其利二更或俄窺西藏法窺滇疆我中國將有應接不暇之勢否則二國連兵可以水陸夾擊以謀取高麗其利三觀於西伯利亞之鐵路俄汲汲於營造而法人既佔越南又有屯兵之所此固未可知之數而不可不思慮豫防者也是俄法之連衡不惟一德之志抑將舍西而趨東豈歐而圍亞而重我中

國之憂矣所謂俄非法而不得遂其欲者此之謂矣試思德皇之立兩朝於俄以求援於俄而卒不可得以致昏姻之國而猶漠然置之況其為中國也哉故將來干戈之作不在於歐即在於亞而其為大戰國之機固已於德奧合縱俄法連橫見之矣雖然俄而有事於東方人皆畏其為虎狼之秦而吾以為不足畏也中國地大物博非彼土多不毛之比也且人材輩出志義勃發非彼桀驁不馴之侶也今雖有哥老會匪與洋教為難易於啟釁而非若彼之結黨橫行目無君上之徒也誠及是時勵精圖治內省無益之費外成必勝之軍則他日天下有事觀釁而動也可已

熟於天下形勢異乎七雄策士
披縱橫長短之術使駭流俗

五國論

葉瀚

嗚呼今之中國誠不可不自強之日亦並不可失此自強之機也向之持遠交近攻之說者不合英以拒俄即合俄以基英二策雖善然今日西國之大局大變又不足恃矣合英以拒俄則今日英方自保之不暇何能為中計也欲合俄以拒英則中之利即俄之損俄人早計之周勢必不能合也為今中國計非自強不可亦舍今而不圖欲再遇其機不可其機何在在於德奧意合縱俄法連橫德奧意之合縱也於中國光緒丁亥年始德相俾司卷主其謀意年里斯奧安得蘭息二相輔其成共約三條立限六年其款目因密約外鮮知者惟聞其大意三國憑此約互相保護一使俄不得逞志於歐洲一使法不能修怨於德其約之限期至一千八百九十一年止先是德相去位意相繼之奧相以病終各國慮其約解嗣又展限六年庚寅年各西報已言之云約由奧相主稿而德意二相酌之辛卯年西七月新報云奧德意三約展限之說各已允洽簽押施行其中條約不無增損而此舉實關歐洲太平之局其中條目仍未周知亦密約之刻然也此德奧意合縱之情形也惟然三約之國遠大為法人所忌欲連俄為報怨計俄則乘機與法合意欲規取土耳其然後傾奧以覆德也而衛局以成庚寅五月法大報館刊有一論云俄若與法連盟歐洲益可無事辛卯七月西報明言其互立輔助之約又八月三日英倫敦有電致各西報館云俄法所立之約由法專主其稿由水師提督面呈此事也詢之法人明言其有詢之俄人力白其無他西報或言有或言無甚或言其條目若何密約無外地理此不足信而具有約則明甚不然法何以屢允俄貸債也俄何以屢購軍火於法也兩國兵輪來往何以若主親致敬也此俄法連衡之情形也繼此與德奧意合者有瑞與丹國與俄法合者有西班牙希臘收費牙荷蘭漫德泥牙惟英不與三約亦不與俄法之約意欲自保其不與三約也以德意奧僅能拒俄西北不能杜之於東南英苟與德奧意合俄必圖其印度以為報復英適自危矣縱約不解則共享太平之福一旦有事則力守南東一隅此英不與三約之心事也法之與俄合不過為修德怨計策俄借法助以傾土耳其則西局全危吾恐法適自弊未見其益也至三約之國意最貧弱修盟以來僅列大邦增兵助餉顧敏民怨意之相臣部臣以此避位新相僅以三約自保不欲爭衡將來縱約之解必自意始意